

Curso 2020 2021

4º Educación Infantil






Profesores

Titora:
Ana Gómez Mirón

Mestra de Lingua estranxeira inglés:
María José Luaces Pacheco

Mestre de Psicomotricidade:
Gonzalo Jara Fernández





Comeza unha nova etapa

Un ano mais comeza un novo curso. Como sempre temos dúbidas de como vai ser a relación dos nosos nenos e o colexio, e este ano, co momento que estamos a vivir a preocupación é maior, entendémolo.

Pero non debedes de estar preocupados, dende o colexio queremos que saibades que estamos preparados para conseguir un curso seguro e de maior responsabilidade que nunca.

Recordade en todo momento que o centro ten unhas normas específicas marcadas polo Plan de adaptación ao COVID que os alumnos deben cumprir de maneira estrita.





Nenos e nenas

Sabemos que os alumnos e alumnas son moi propensos a estas idades a contaxiarse con moita facilidade polo que recomendamos que non asistan a clase se teñen febre maior a 37 grados, infeccións na boca, oídos ou garganta, conxuntivites ou calquera enfermidade viral ou de fácil contaxio. Por suposto non deberá asistir a clase ningún alumno ou alumna que teña ningún síntoma relacionado co COVID19 (neste caso deberá seguir as normas marcadas no plan).



Pais e nais

01

Xustifica en todo momento a ausencia do teu fillo ou filla. Pode ser mediante os medios previstos polo centro (whatsapp e correo electrónico).

02

E imprescindible, polo ben da organización do centro e do aula, respectar e cumprir en todo momento os horarios marcados tanto en entradas e saídas e respectar todas as normas que marca o Plan de adaptación ao COVID para estes casos.

03

Rogamos comuniquen antes de que comece o curso, e o autoricen por escrito e con fotocopia do DNI, ás persoas que vaian a recoller aos alumnos de maneira habitual. Se nalgún momento cambia a persoa de recollida ou de maneira esporádica ten que vir unha persoa que non estea autorizada con anterioridade terá que facer unha autorización expresa por escrito (whatsapp ou correo electrónico) de recollida para ese día.



O meu material

O material escolar recollerase ao comezo de curso e será custodiado polo centro e preservado para que non exista contaminación de ningún tipo. Cada alumno terá o seu punto de material diferenciado e non será en ningún momento compartido.

A roupa que traian de abrigo e a mochila terá o seu sitio diferenciado para colgalo e non se compartirá en ningún momento entre os alumnos. Os días de chuvia os pais serán os responsables de deixar os paraugas no paraugueiro marcado para esta clase (cor azul escuro).

Todas as partes do uniforme, os tenis ou zapatos, a roupa de abrigo, mochila, paraugas,... deberán vir marcados co nome e primeiro apelido. O que non teña nome non poderá ser devolto ao alumnado aínda que sexa capaz de diferencialo debido a posibles contaxios.

Este ano, seguindo normas COVID deberán traer unha bolsa protectora (marcada con nome e primeiro apelido) onde meter a máscara cando non sexa utilizada. Recomendamos ademais traían unha de reposto polo posible deterioro da utilizada con mais frecuencia no aula. Dende o centro recomendamos que os alumnos de educación infantil leven a máscara o maior tempo posible posta, sempre que non sexa unha molestia para eles.



Pequenas cousas

Non se poden traer elementos propios da casa (chupetes, xoguetes, mantas, elementos de relax). Na clase terán todo tipo de elementos para pasar a mañá. Este ano non serán de uso compartido e se nalgún momento se comparten serán desinfectados antes e despois de cada uso. Os elementos comúns da clase serán desinfectados en todo momento.

Segundo normas do centro non se poderán entregar invitacións de cumpreanos dentro do centro, e este ano, por normas covid tampouco se entregarán chucherías o pequenos agasaios de cumpreanos. A celebración dos cumpreanos no centro serán como sempre mediante cancións e xogos.

Cada alumno terá un lugar asignado co seu nome para os momentos de traballo individual.

O alumnado terá dous recreos ao longo da mañá. Por normas COVID non estarán en contacto con outros grupos de clase, aínda que si compartirán a praza. Durante o recreo será recomendable en todo momento o uso da máscara. Nos días na que a climatoloxía non o permita, o recreo realizarase no aula (actividades, xogos, películas, desenvolvemento musical, apoio a lingua estranxeira, desenvolvemento do galego).





Son responsable

A merenda que se traia para media mañá ten que ser tomada polo alumno de maneira autónoma e deberá ser equilibrada. Recomendamos que se traia merenda que lle guste tomar, e que non teña elementos que se poidan derramar polas zonas comúns do aula.

A hora da merenda estará totalmente controlada e estarán separados os alumnos para que non se produza ningún intercambio de alimentos.

Non estará permitida a entrada a clase de ningún familiar. Os alumnos serán entregados e recollidos na porta do centro. A porta de entrada e saída dos alumnos de 4º de Educación Infantil será (visto de fronte o centro) a da esquerda.

A autonomía de control de esfínteres será necesaria para incorporación do alumnado ao centro.

Como en anos anteriores, baixo autorización escrita do pai ou nai, se hai necesidade de cambio de roupa dentro do horario lectivo o alumno ou alumna poderá ter unha muda na clase para ser cambiado.

Todas a saídas do centro (por asistencia ao centro médico, papeis oficiais, outras saídas) serán baixo a responsabilidade dos pais, nai ou titores do alumando que deberán xustificar conforme o levan do centro e o motivo da saída.



Será un ano xenial

As titorías, seguindo normas COVID, serán sempre con cita previa e faranse mediante correo electrónico, videochamada ou chamada telefónica os xoves de 16.00 a 18.00 h.

Non dubide en utilizar calquera dos medios de comunicación previstos para este curso para calquera dúbida, información ou necesidade que atope durante o curso, para nos é imprescindible a comunicación constante cos pais.

Para poder comunicarse coa profesora podedes utilizar os seguintes medios:

Número de teléfono: 986861990/650869147

Whatsapp: 650869147

Correo electrónico: eicprsanjose@gmail.com

Toda a información relevante do centro poderá atopala na páxina web :

www.cprsanjose.es

